

# UGOVOR

## o nabavci opreme za salu za tjelesni i zdravstveni odgoj

Zaključen dana 22.10.2019. godine putem direktnog sporazuma između:

1. JU OŠ „Skender Kulenović“ Sarajevo, ulica Bulevar Mimar Sinana bb, ID 4200168250006, koju zastupa direktor Esat Erović (u daljnjem tekstu: kupac)

2. TRISAR – INN DOO, ulica Envera Šehovića 16b, ID 4200324560002, koje zastupa Dževad Selimović, transakcijski račun broj: 1610000089290063 – Raiffeisen bank, (u daljnjem tekstu: dobavljač),

### I PREDMET UGOVORA

#### Član 1.

Predmet ovog ugovora je nabavka opreme za opremanje sale za tjelesni i zdravstveni odgoj za potrebe JU OŠ „Skender Kulenović“ Sarajevo, a prema predračunu dobavljača br. 159-SK-10/2019. Predračun prihvaćen od strane naručitelja, te u skladu sa odredbama Pravilnika o direktnom sporazumu („Sl. glasnik BiH“ br. 90/14) stekli su se uslovi za zaključivanje ovog Ugovora.

### II CIJENA

#### Član 2.

Cijena koju će Kupac isplatiti Dobavljaču za opremu iz člana 1. Ugovora iznosi:

- Cijena bez PDV-a: 4.273,50 KM;
- Porez na dodanu vrijednost (PDV 17%) = 726,50 KM;
- UKUPNA VRIJEDNOST / CIJENA sa PDV-om = 5.000,00 KM (slovima: pethiljadakonvertibilnihmaraka).

### III USLOVI I NAČIN PLAĆANJA

#### Član 3.

Kupac će plaćanje izvršiti putem Trezora, na osnovu Ponude dostavljene od strane Dobavljača.

Ugovorena cijena je fiksna. Kupac se obavezuje platiti ugovorenu cijenu robe prema izdatoj Ponudi.

### IV OBAVEZE PRODAVCA

#### Član 4.

Dobavljač se obavezuje da će isporuku robe izvršiti po izvršenoj uplati po predračunu br. 159-SK-10/2019 od 18.10 2019. godine.

Dobavljač se obavezuje da će predmetna isporuka opreme biti u skladu sa važećim propisima o kvaliteti proizvoda.

Dobavljač se obavezuje da će nakon isporučene robe Kupcu ispostaviti fakturu.

## **V OBAVEZE KUPCA**

### **Član 5.**

Kupac obavlja kvalitativni i kvantitativni prijem robe na mjestu isporuke, a kvalitet robe mora odgovarati važećim standardima i propisima na teritoriji BiH.

Sve eventualne reklamacije Kupac je obavezan dostaviti Dobavljaču pisanim putem odmah, odnosno najkasnije u roku od 5 (pet) dana, od dana prijema robe.

## **VI ROK ISPORUKE**

### **Član 6.**

Rok isporuke ukupno ugovorene i specificirane količine učila, kao i pripadajućih usluga iz člana 1. ovog ugovora je 15 dana računajući od datuma obostranog potpisivanja ovog ugovora. Pod isporukom se podrazumijevaju sve potrebne radnje koje je Dobavljač dužan obaviti, prema ugovoru i prirodni posla, da bi Kupac mogao primiti isporuku.

Mjesto izvršenja obaveza Dobavljača je JU OŠ „Skender Kulenović“ Sarajevo.

Kupac se obavezuje isplatiti cijenu i preuzeti isporuku ugovorene opreme onako kako je predviđeno ovim ugovorom.

Oprema koja su predmet ovog ugovora i koju će Dobavljač isporučiti Kupcu prema ovom Ugovoru bit će upakovana u originalnoj i neotvorenoj ambalaži od originalnog proizvođača uz označavanje pakovanja na propisan način.

## **VII ODGOVORNOST ZA MATERIJALNE NEDOSTATKE**

### **Član 7.**

Dobavljač odgovara za materijalne nedostatke stvari koje je ona imala u času prelaza rizika na Kupca, bez obzira na to da li mu je to bilo poznato. Dobavljač odgovara i za one materijalne nedostatke koji se pojave nakon prelaza rizika na Kupca ako su posljedica uzroka koji je postojao prije toga.

Nedostatak postoji ako ugovorena / isporučena stvar nema svojstva i odlike koje su izričito određene ovim ugovorom.

## **VIII STUPANJE UGOVORA NA SNAGU**

### **Član 8.**

Ovaj ugovor stupa na snagu danom obostranog potpisivanja od strane ovlaštenih lica ugovornih strana. Svi rokovi u vezi s ovim ugovorom računaju se od dana stupanja ugovora na snagu, ukoliko posebnom odredbom nije ugovoren neki drugi datum kao početak toka roka.

## IX PRIMJENA ZAKONA O OBLIGACIONIM ODNOSIMA

### Član 9.

Ugovorne strane su saglasne sa primjenom odredbi Zakona o obligacionim odnosima i to u pogledu prava, obaveza i odnosa koji nisu regulisani odredbama ovog ugovora, a koji nastanu u vezi i povodom izvršenja ovog ugovora.

## X RJEŠAVANJE SPOROVA

### Član 10.

Sve eventualne sporove i nesporazume koji bi mogli nastati iz ovog ugovora ili povodom ovog ugovora, ugovorne strane će nastojati riješiti usaglašavanjem, posredovanjem ili na drugi miran način u duhu uzajamnog povjerenja i dobrih poslovnih običaja.

Ukoliko ugovorne strane ne postignu mirno rješenje eventualnog spora u smislu stava 1. ovog člana, ugovara se nadležnost Općinskog suda u Sarajevu, Bosna i Hercegovina, uz primjenu pozitivnog prava Bosne i Hercegovine.

## XI OSTALE ODREDBE

### Član 11.

Izmjene i dopune ovog ugovora mogu se vršiti samo pismenim putem. Bit će punovažne i obavezivati će ugovorne strane samo one izmjene i dopune koje su sačinili sporazumno u pismenoj formi.

### Član 12.

Ovaj Ugovor je sačinjen u 4 (četiri) istovjetna primjeraka od kojih svaka ugovorna strana zadržava po 2 (dva) primjerka.

Dobavljač:  
**TRISAR - INN DOO**  
**SARAJEVO**  
d.o.o.  
SARAJEVO  
Dževad Selimović

Broj: U-267-10/19

Kupac:  
**JU OŠ „SKENDER KULENOVIĆ“**  
**SARAJEVO**

Esat Erović, prof.

Broj: 646 / 19